



Կապիտալ  
ասեթ  
մեներջմենք

**ԿԱՄ ՊԱՖ ՆԵՐԴՐՈՒՄԱՅԻՆ ՖՈՆԴԻ  
ՖԻՆԱՆՍԱԿԱՆ ՀԱՇՎԵՏՎՈՒԹՅՈՒՆՆԵՐ  
2016 ԹՎԱԿԱՆԻ ՄԱՐՏԻ 31-ԻՆ ԱՎԱՐՏՎՈՂ  
ԵՌԱՄՍՅԱԿԻ ՀԱՄԱՐ**

Երևան-2016

## ԿԱՄ ՊԱՖ ներդրումային ֆոնդի ֆինանսական հաշվետվություններ

Հաշվետվություն ֆինանսական վիճակի մասին

<i>Հազար ՀՀ դրամ</i>		31 մարտի 2016	31 դեկտեմբերի 2015
<b>Ակտիվներ</b>			
Դրամական միջոցներ և դրանց համարժեքներ		1,946	2,163
Իրական արժեքով՝ շահույթի կամ վնասի միջոցով չափվող ֆինանսական ակտիվներ	7	594,720	924,259
<b>Ընդամենը ակտիվներ</b>		<b>596,666</b>	<b>926,422</b>
<b>Պարտավորություններ</b>			
Հետգնման համաձայնագրերի գծով վճարվելիք գումարներ	8	82,568	432,833
Շահութահարկի գծով պարտավորություն		60	47
Այլ պարտավորություններ		545	527
<b>Ընդամենը պարտավորություններ (բացառությամբ փայատերերին վերագրելի զուտ ակտիվների)</b>		<b>83,173</b>	<b>433,407</b>
<b>Փայատերերին վերագրելի զուտ ակտիվներ</b>	<b>9</b>	<b>513,493</b>	<b>493,015</b>

Ալիկ Առաքելյան  
Ֆոնդի կառավարչի  
գլխավոր գործադիր տնօրեն

Կարեն Խաչատրյան  
«Էլ Էն Աուդիտ» ՓԲԸ  
լիազոր ներկայացուցիչ

25 ապրիլի 2016

ԿԱՄ ՊԱՖ ներդրումային ֆոնդի ֆինանսական հաշվետվություններ

Հաշվետվություն համապարփակ ֆինանսական արդյունքի մասին

Հազար ՀՀ դրամ		01.01.16-31.03.16	01.01.15-31.03.15
Տոկոսային եկամուտ	5	20,143	12,403
Զուտ օգուտ (վնաս) «իրական արժեքով՝ շահույթի կամ վնասի միջոցով չափվող» ֆինանսական գործիքներից	6	12,544	(16,623)
<b>Ընդամենը եկամուտ (ծախս)</b>		<b>32,687</b>	<b>(4,220)</b>
Ներդրումային կառավարման վճարներ		(1,043)	(889)
Պահառուի վճարներ		(191)	(164)
Տոկոսային ծախսեր	8	(5,960)	(-)
Միջնորդավճարներ		(270)	(49)
Շահութահարկի գծով ծախս		(13)	(11)
<b>Ընդամենը գործառնական ծախսեր</b>		<b>(7,477)</b>	<b>(1,113)</b>
<b>Զուտ եկամուտ (ծախս)</b>		<b>25,210</b>	<b>(5,333)</b>
<b>Ժամանակաշրջանի շահույթ (վնաս)</b>		<b>25,210</b>	<b>(5,333)</b>
<b>Փայտերերին վերագրելի զուտ ակտիվների աճ (նվազում)</b>		<b>25,210</b>	<b>(5,333)</b>

Ալիկ Առաքելյան  
 Ֆոնդի կառավարչի  
 գլխավոր գործադիր տնօրեն

Կարեն Խաչատրյան  
 «Էյ-Էն Աուդիտ» ՓԲԸ  
 լիազոր ներկայացուցիչ

25 ապրիլի 2016

## ԿԱՄ ՊԱՖ ներդրումային ֆոնդի ֆինանսական հաշվետվություններ

Հաշվետվություն փայտերերին վերագրելի զուտ ակտիվների փոփոխության մասին

		Մարտի 31-ին ավարտված եռամսյակի համար	
<i>Հազար ՀՀ դրամ</i>		2016	2015
<b>Մնացորդը առ 01 հունվարի</b>	9	<b>493,015</b>	<b>441,232</b>
Փայտերերին վերագրելի զուտ ակտիվների աճ(նվազում)		25,210	(5,333)
Փայտերերի կողմից կատարված ներդրումներ և մարումներ՝			
Փայերի թողարկումներ ժամանակաշրջանի ընթացքում		1,903	22,910
Փայերի հետգնում ժամանակաշրջանի ընթացքում		(6,635)	(6,579)
<b>Ընդամենը փայտերերի կողմից կատարված զուտ ներդրումներ</b>		<b>(4,732)</b>	<b>16,331</b>
<b>Մնացորդը առ 31 մարտի</b>	9	<b>513,493</b>	<b>452,230</b>

Ալիկ Առաքելյան

Ֆոնդի կառավարչի

գլխավոր գործադիր տնօրեն

Կարեն Խաչատրյան

«Էյ-Էն Աուդիտ» ՓԲԸ

լիազոր ներկայացուցիչ

25 ապրիլի 2016

ԿԱՄ ՊԱՖ ներդրումային ֆոնդի ֆինանսական հաշվետվություններ

Հաշվետվություն դրամական միջոցների հոսքերի մասին

	Մարտի 31-ին ավարտված եռամսյակի համար	
Հազար ՀՀ դրամ	01.01.16- 31.03.16	01.01.15- 31.03.15
<b>Դրամական միջոցների հոսքեր գործառնական գործունեությունից</b>		
Ստացված տոկոսներ	8,866	6,372
Վճարված տոկոսներ	(6,762)	(-)
Ներդրումների վաճառքից(մարումից) մուտքեր	504,983	127,227
Ներդրումների գնում	(151,623)	(64,101)
Վճարված գործառնական ծախսեր	(1,486)	(1,102)
<b>Փոփոխություններ գործառնական ակտիվներում և պարտավորություններում</b>		
Հակադարձ հետզնման պայմանագրերի գծով ստացված զուտ գումարներ	-	(84,293)
Հետզնման պայմանագրերի գծով վճարված զուտ գումարներ	(349,464)	-
<b>Զուտ դրամական հոսքեր գործառնական գործունեությունից</b>	<b>4,514</b>	<b>(22,269)</b>
<b>Դրամական միջոցների հոսքեր ֆինանսական գործունեությունից</b>		
Փայերի թողարկումից մուտքեր	1,904	22,910
Փայերի հետզնումից ելքեր	(6,635)	(6,579)
<b>Զուտ դրամական հոսքեր ֆինանսական գործունեությունից</b>	<b>(4,731)</b>	<b>16,331</b>
<b>Դրամական միջոցների և դրանց համարժեքների զուտ աճ (նվազում)</b>	<b>(217)</b>	<b>434</b>
Դրամական միջոցներ և դրանց համարժեքներ ժամանակաշրջանի սկզբում	2,163	499
Արտարժույթի փոխարժեքի փոփոխության ազդեցությունը դրամական միջոցների և դրանց համարժեքների վրա	-	-
<b>Դրամական միջոցներ և դրանց համարժեքներ առ 31 մարտի</b>	<b>1,946</b>	<b>933</b>

Ալիկ Առաքելյան  
Ֆոնդի կառավարչի  
գլխավոր գործադիր տնօրեն

Կարեն Խաչատրյան  
«Էյ-Էն Աուդիտ» ՓԲԸ  
լիազոր ներկայացուցիչ

25 ապրիլի 2016

<b>Հաշվետվություն ֆինանսական վիճակի մասին .....</b>	<b>2</b>
<b>Հաշվետվություն համապարփակ ֆինանսական արդյունքի մասին.....</b>	<b>3</b>
<b>Հաշվետվություն փայատերերին վերագրելի զուտ ակտիվների փոփոխության մասին.....</b>	<b>4</b>
<b>Հաշվետվություն դրամական միջոցների հոսքերի մասին .....</b>	<b>5</b>
1. Հաշվետու ֆոնդ.....	7
2. Պատրաստման հիմունքներ .....	7
3. Հաշվապահական հաշվառման քաղաքականության վերաբերյալ էական տեղեկատվություն .	8
4. Ֆինանսական ռիսկերի կառավարում.....	12
5. Տոկոսային եկամուտ.....	18
6. Զուտ օգուտ (վնաս) իրական արժեքով՝ շահույթի կամ վնասի միջոցով չափվող ֆինանսական գործիքներից.....	18
7. Իրական արժեքով՝ շահույթի կամ վնասի միջոցով չափվող ֆինանսական ակտիվներ .....	18
8. Հետգնման պայմանագրերի գծով վճարվելիք գումարներ.....	18
9. Փայատերերին վերագրելի զուտ ակտիվներ .....	19

## 1. Հաշվետու ֆոնդ

«ԿԱՄ ՊԱՖ» ներդրումային ֆոնդի կանոնները (այսուհետ՝ Ֆոնդ) գրանցվել է 2013թ. ապրիլի 30-ին ՀՀ ԿԲ խորհրդի 123-Ա որոշմամբ:

Ֆոնդի կառավարումն իրականացվում է «Կապիտալ Ասեթ Մենեջմենթ» ՓԲԸ-ի կողմից, որը ստեղծվել է 2012թ. հոկտեմբերի 18-ին, և գրանցվել է ՀՀ ԿԲ-ում որպես ներդրումային ֆոնդերի կառավարիչ և ստացել թիվ 1 լինցենզիան:

Սույն ֆինանսական հաշվետվությունները ստորագրված են 2016թ. ապրիլի 25-ին:

## 2. Պատրաստման հիմունքներ

### ա) Համապատասխանության մասին հայտարարություն

Ֆոնդի ֆինանսական հաշվետվությունները պատրաստվել են ֆինանսական հաշվետվությունների միջազգային ստանդարտներին (ՖՀՄՍ), ՀՀ ԿԲ-ի կողմից հաստատված համապատասխան իրավական նորմատիվ ակտերին (այնքանով, որքանով դրանք տեղավորվում են ՖՀՄՍ շրջանակում) համապատասխան:

### բ) Չափման հիմունքները

Սույն ֆինանսական հաշվետվությունները պատրաստված են չափման իրական արժեքի հիմունքով, բացառությամբ մինչև մարման ժամկետը պահվող ֆինանսական ակտիվների և իրական արժեքով չվերաչափվող ֆինանսական պարտավորությունների, որոնք չափվում են ամորտիզացված արժեքով:

### գ) Ֆունկցիոնալ և ներկայացման արժույթը

Հայաստանի Հանրապետության արժույթը ՀՀ դրամն է, որը Ֆոնդի ֆունկցիոնալ և ներկայացման արժույթն է: Ֆինանսական տեղեկատվությունում թվերը ներկայացված են հազար դրամներով՝ առանց ստորակետից հետո տասնորդական նիշի:

### դ) Հարկում

Ֆոնդը հաշվարկված զուտ ակտիվներից վճարում է շահութահարկ տարեկան պարբերականությամբ՝ զուտ ակտիվների 0.01 տոկոսի չափով:

### ե) Գնահատումների և դատողությունների օգտագործում

Ֆինանսական հաշվետվությունները ՖՀՄՍ պահանջներին համապատասխան պատրաստելու համար կառավարիչը կատարել է մի շարք դատողություններ, գնահատումներ և ենթադրություններ, որոնք ազդեցություն ունեն հաշվապահական հաշվառման քաղաքականության կիրառման, ինչպես նաև ակտիվների, պարտավորությունների, եկամտի և ծախսի ներկայացված գումարների վրա: Փաստացի արդյունքները կարող են տարբերվել այդ գնահատումներից:

Գնահատումները և համապատասխան ենթադրությունները շարունակաբար վերանայվում են: Հաշվապահական գնահատումների վերանայումները ճանաչվում են այն ժամանակաշրջանում, որում վերանայվել են և այն ապագա ժամանակաշրջաններում, որոնց վրա կարող են ազդեցություն ունենալ:

Հաշվապահական հաշվառման քաղաքականության կիրառման ժամանակ գնահատման և կարևոր դատողությունների հետ կապված զգալի անորոշությունների վերաբերյալ (որոնք ունեն էական ռիսկ) տեղեկատվությունը ներկայացված է ծանոթագրություն 3-ում և 4-ում:

### **3. Հաշվապահական հաշվառման քաղաքականության վերաբերյալ էական տեղեկատվություն**

Ստորև ներկայացված հաշվապահական հաշվառման քաղաքականությունը հետևողականորեն կիրառվում է սույն ֆինանսական հաշվետվություններում ներկայացված բոլոր ժամանակաշրջանների համար:

#### **ա) Արտարժույթով գործարքներ**

Արտարժույթով իրականացվող գործարքները փոխարկվում են ֆունկցիոնալ արժույթի՝ համապատասխան արտարժույթի համար գործարքի օրվա դրությամբ բորսայի փակման փոխարժեքով, դրա բացակայության դեպքում՝ ՀՀ ԿԲ հայտարարած միջին փոխարժեքով: Հաշվետու ամսաթվի դրությամբ արտարժույթով արտահայտված դրամային ակտիվները և պարտավորությունները փոխարկվում են ֆունկցիոնալ արժույթի այդ օրվա դրությամբ սահմանված փոխարժեքով:

Արտարժույթով արտահայտված ոչ դրամային ակտիվները և պարտավորությունները, որոնք չափվում են իրական արժեքով, վերահաշվարկվում են ֆունկցիոնալ արժույթի իրական արժեքի որոշման ամսաթվի դրությամբ առկա փոխարժեքով:

Արտարժույթային հոդվածների վերահաշվարկումից (վերագնահատումից) առաջացող փոխարժեքային տարբերությունները ճանաչվում են շահույթում կամ վնասում՝ որպես զուտ օգուտ (կորուստ) արտարժույթի փոխարժեքային տարբերություններից, բացառությամբ «Իրական արժեքով՝ շահույթի կամ վնասի միջոցով չափվող» ֆինանսական գործիքների, որոնք ճանաչվում են «Իրական արժեքով՝ շահույթի կամ վնասի միջոցով չափվող» ֆինանսական գործիքների վերաչափումից առաջացող օգուտում կամ վնասում:

#### **բ) Տոկոս**

Տոկոսային եկամուտը և ծախսը՝ ներառյալ «իրական արժեքով շահույթի կամ վնասի միջոցով չափվող» ոչ ածանցյալ ֆինանսական ակտիվներից տոկոսային եկամուտը, ճանաչվում են շահույթում կամ վնասում՝ կիրառելով արդյունավետ տոկոսադրույքի մեթոդը:

Ֆոնդն արդյունավետ տոկոսադրույքի հաշվարկման ժամանակ գնահատում է ապագա դրամական հոսքերը՝ հաշվի առնելով ֆինանսական գործիքների բոլոր պայմանագրային պայմանները, բայց ոչ ապագա պարտքային կորուստները: Ստացված կամ ստացվելիք տոկոսները, վճարված կամ վճարվելիք տոկոսները ճանաչվում են շահույթում կամ վնասում, համապատասխանաբար որպես տոկոսային եկամուտ կամ տոկոսային ծախս:

#### **գ) Զուտ օգուտ «իրական արժեքով՝ շահույթի կամ վնասի միջոցով չափվող» ֆինանսական գործիքներից**

Իրական արժեքով՝ շահույթի կամ վնասի միջոցով չափվող ֆինանսական գործիքներից զուտ օգուտը ներառում է բոլոր իրացված և չիրացված իրական արժեքների փոփոխությունները և արտարժույթի փոխարժեքային տարբերությունները, բացառությամբ տոկոսային և շահաբաժնային եկամտի:



**դ) Վճարներ և կոմիսիոն ծախսեր**

Վճարները և կոմիսիոն ծախսերը ճանաչվում են շահույթում կամ վնասում, որպես ծառայությունների կատարում:

**ե) Ֆինանսական ակտիվներ և ֆինանսական պարտավորություններ**

*I. Ճանաչումը և սկզբնական չափումը*

«Իրական արժեքով՝ շահույթի կամ վնասի միջոցով չափվող» ֆինանսական ակտիվները և պարտավորությունները ճանաչվում են գործարքի օրվա ամսաթվին, որն այն ամսաթիվն է, երբ Ֆոնդը դառնում է գործարքի պայմանագրային կողմ: Այլ ֆինանսական ակտիվներն ու պարտավորությունները ճանաչվում են այն ամսաթվին, երբ դրանք տեղի են ունենում: Ֆինանսական ակտիվների կանոնավոր կերպով գնումները հաշվառվում են վերջնահաշվարկի ամսաթվի դրությամբ:

«Իրական արժեքով՝ շահույթի կամ վնասի միջոցով չափվող» ֆինանսական ակտիվները և պարտավորությունները սկզբնապես ճանաչվում են իրական արժեքով, իսկ գործարքի հետ կապված ծախսերը ճանաչվում են շահույթում կամ վնասում:

*II. Դասակարգում*

«Իրական արժեքով՝ շահույթի կամ վնասի միջոցով չափվող» ֆինանսական գործիքներն իրենցից ներկայացնում են ֆինանսական ակտիվներ և պարտավորություններ, որոնք՝

- առևտրական նպատակներով պահվող ֆինանսական գործիքներ են, կամ
- սկզբնական ճանաչման պահին Ֆոնդի կողմից նախատեսվում են որպես «իրական արժեքով՝ շահույթի կամ վնասի միջոցով չափվող» ֆինանսական գործիքներ:

Ֆինանսական գործիքները դասակարգվում են որպես առևտրական նպատակներով պահվող, եթե դրանք՝

- հիմնականում ձեռք են բերվել կամ առաջացել են մոտ ապագայում վաճառելու կամ հետ գնելու նպատակով,
- կազմում են միասին կառավարվող ֆինանսական գործիքների պորտֆելի մաս, որի համար առկա է վկայություն կարճ ժամկետում շահույթ ստանալու եղանակների վերաբերյալ,
- հանդիսանում են ածանցյալ ֆինանսական գործիք (բացառությամբ այն ածանցյալ գործիքների, որոնք նախատեսված են և հանդիսանում են արդյունավետ հեջավորման գործիքներ), կամ

Ֆոնդը ֆինանսական ակտիվները և պարտավորությունները նախատեսում է որպես «իրական արժեքով՝ շահույթի կամ վնասի միջոցով չափվող»՝ ստորև ներկայացված պայմաններից գոնե մեկի բավարարման դեպքում.

- ակտիվները կամ պարտավորությունները կառավարվում, գնահատվում են իրական արժեքի հիմունքով,
- նախատեսումը վերացնում կամ էականորեն նվազեցնում է հաշվապահական անհամապատասխանությունները, որոնք կառաջանային այլապես,
- ակտիվը կամ պարտավորությունը ներառում է պարունակվող ածանցյալ գործիք, որը էականորեն ձևափոխում է դրամական միջոցների հոսքերը, որոնք այլապես կպահանջվեին պայմանագրի համաձայն:

Պոտենցիալ բարենպաստ պայմաններ ենթադրող (դրական իրական արժեք) առևտրական նպատակներով պահվող բոլոր ածանցյալ գործիքները, ինչպես նաև ձեռք բերված օպցիոնները, ներկայացվում են որպես

ակտիվ: Պոտենցիալ ոչ բարենպաստ պայմաններ ենթադրող (բացասական իրական արժեք) առևտրական նպատակներով պահվող բոլոր ածանցյալ գործիքները, ինչպես նաև տրամադրված օպցիոնները, ներկայացվում են որպես պարտավորություն:

Ֆինանսական գործիքների համապատասխան դասակարգումը կառավարիչը որոշում է սկզբնական ճանաչման պահին: Ածանցյալ ֆինանսական գործիքները, ինչպես նաև սկզբնական ճանաչման պահին որպես «իրական արժեքով՝ շահույթի կամ վնասի միջոցով չափվող ֆինանսական գործիքներ» նախատեսված գործիքները հետագայում չեն վերադասակարգվում շահույթի կամ վնասի միջոցով իրական արժեքով չափվող ֆինանսական գործիքների դասից: Ֆինանսական ակտիվը, որը համապատասխանում է վարկերի և դեբիտորական պարտքերի սահմանմանը, կարող է վերադասակարգվել «իրական արժեքով՝ շահույթի կամ վնասի միջոցով չափվող» ֆինանսական գործիքների կամ վաճառքի համար մատչելի ֆինանսական գործիքների դասից, եթե Ֆոնդը մտադիր է և ի վիճակի է պահել այդ գործիքները տեսանելի ապագայում կամ մինչև մարման ժամկետը: Այլ ֆինանսական գործիքները կարող են վերադասակարգվել «իրական արժեքով՝ շահույթի կամ վնասի միջոցով չափվող» ֆինանսական գործիքների դասից միայն հազվագյուտ հանգամանքներում: Հազվագյուտ հանգամանքներն ի հայտ են գալիս եզակի արտասովոր դեպքի արդյունքում, երբ գրեթե անհավանական է, որ այն կրկին տեղի կունենա մոտ ապագայում:

### III. Չափում

Ֆինանսական ակտիվի կամ պարտավորության սկզբնական չափումը տեղի է ունենում իրական արժեքով: «Իրական արժեքով՝ շահույթի կամ վնասի միջոցով չափվող» ֆինանսական գործիքների խմբում չդասակարգված ֆինանսական ակտիվների կամ պարտավորությունների սկզբնական չափման դեպքում իրական արժեքին գումարվում են գործարքի հետ կապված ծախսումները, որոնք ուղղակիորեն վերագրելի են ֆինանսական ակտիվի կամ պարտավորության ձեռքբերմանը կամ թողարկմանը: Սկզբնական ճանաչումից հետո ֆինանսական ակտիվները, ներառյալ ակտիվ համարվող ածանցյալ գործիքները, չափվում են իրական արժեքով՝ առանց նվազեցնելու գործարքի հետ կապված ծախսումները, որոնք կարող են առաջանալ՝ կապված վաճառքի կամ այլ օտարման հետ:

Բոլոր ֆինանսական պարտավորությունները չափվում են ամորտիզացված արժեքով, բացառությամբ այն ֆինանսական պարտավորությունների, որոնք նախատեսված են որպես «իրական արժեքով՝ շահույթի կամ վնասի միջոցով չափվող» և այն ֆինանսական պարտավորությունների, որոնք առաջանում են, երբ իրական արժեքով ներկայացված ֆինանսական ակտիվի փոխանցումը չի բավարարում ապաճանաչման պահանջները:

### IV. Ամորտիզացված արժեք

Ֆինանսական ակտիվի կամ պարտավորության ամորտիզացված արժեքն իրենից ներկայացնում է այն գումարը, որով ֆինանսական ակտիվը կամ պարտավորությունը չափվում է սկզբնական ճանաչման պահին՝ հանած մայր գումարի վճարումները, գումարած կամ հանած սկզբնապես ճանաչված գումարի և մարման գումարի տարբերության կուտակված ամորտիզացիան, որը հաշվարկվել է կիրառելով արդյունավետ տոկոսադրույքի մեթոդը՝ հանած արժեքկումից կորուստը: Հավելավճարները և զեղչերը, ներառյալ գործարքի հետ կապված սկզբնական ծախսումները, ընդգրկված են համապատասխան գործիքի հաշվեկշռային արժեքում և ամորտիզացվում են՝ կիրառելով գործիքի արդյունավետ տոկոսադրույքի մեթոդը:

## V. Ապաճանաչում

Ֆոնդն ապաճանաչում է ֆինանսական ակտիվն այն դեպքում, երբ ֆինանսական ակտիվից առաջացող դրամական հոսքերի նկատմամբ պայմանագրային իրավունքները կորցնում են իրենց ուժը, կամ երբ փոխանցում է ֆինանսական ակտիվն այնպիսի գործարքում, որում փոխանցվում են ֆինանսական ակտիվի սեփականության հետ կապված ըստ էության բոլոր ռիսկերն ու հատույցները, կամ որում Ֆոնդը ոչ պահպանում, ոչ էլ փոխանցում է սեփականության հետ կապված ըստ էության բոլոր ռիսկերն ու հատույցները և չի պահպանում ֆինանսական ակտիվի նկատմամբ վերահսկողությունը: Ապաճանաչման պայմանները բավարարող փոխանցված ֆինանսական ակտիվի գծով տոկոսները, որոնք առաջացել կամ պահպանվել են Ֆոնդի կողմից, ճանաչվում են որպես առանձին ակտիվ կամ պարտավորություն ֆինանսական վիճակի մասին հաշվետվությունում: Ֆոնդն ապաճանաչում է ֆինանսական պարտավորությունը, երբ պայմանագրային պարտականությունները կատարվում են, կամ չեղյալ են համարվում, կամ ուժը կորցնում են: Ֆոնդը կատարում է գործարքներ, որոնցով փոխանցում է ֆինանսական վիճակի մասին հաշվետվությունում ճանաչված ակտիվները, սակայն պահպանում է փոխանցված ակտիվների սեփականության հետ կապված ռիսկերն ու հատույցները կամ դրանց մի մասը: Եթե ակտիվի սեփականության հետ կապված բոլոր կամ ըստ էության բոլոր ռիսկերն ու հատույցները պահպանվում են, ապա փոխանցված ակտիվները չեն ապաճանաչվում: Գործարքներում, որոնցում Ֆոնդը ոչ փոխանցում է, ոչ էլ պահպանում է ֆինանսական ակտիվի սեփականության հետ կապված, ըստ էության, բոլոր ռիսկերն ու հատույցները, այն ապաճանաչում է ակտիվը, եթե կորցնում է դրա նկատմամբ վերահսկողությունը: Փոխանցումների այն գործարքներում, որոնցում Ֆոնդը պահպանում է ակտիվի նկատմամբ վերահսկողությունը, Ֆոնդը շարունակում է ճանաչել ֆինանսական ակտիվը այնքանով, որքանով շարունակվում է իր ներգրավվածությունը ֆինանսական ակտիվի մեջ, որն այն չափն է, որով նա ենթարկված է փոխանցված ակտիվի արժեքի փոփոխությունների ազդեցությանը:

Ֆոնդը դուրս է գրում անհավաքելի համարվող ակտիվները:

## VI. Հետգնման և հակադարձ հետգնման պայմանագրեր

Վաճառքի և հետգնման պայմանագրերով (ռեպո) վաճառված արժեթղթերը հաշվառվում են որպես գրավով ապահովված ֆինանսավորման գործիքներ, որի դեպքում արժեթղթերն արտացոլվում են ֆինանսական վիճակի մասին հաշվետվությունում, իսկ պայմանագրային կողմի պարտավորությունը ներառվում է ռեպո գործարքների գծով վճարվելիք գումարների կազմում՝ ըստ կիրառելիության: Վաճառքի և հետգնման գների տարբերությունը դիտվում է որպես տոկոսային ծախս և ճանաչվում է շահույթում կամ վնասում ռեպո պայմանագրի գործողության ժամկետի ընթացքում՝ կիրառելով արդյունավետ տոկոսադրույքի մեթոդը:

Վերավաճառքի նպատակով հակադարձ հետգնման պայմանագրերով (հակադարձ ռեպո) ձեռք բերված արժեթղթերը գրանցվում են որպես հակադարձ հետգնման պայմանագրերի գծով ստացվելիք գումարներ՝ բանկերին տրված վարկեր և փոխատվություններ կամ հաճախորդներին տրված վարկեր հողվածներում՝ ըստ կիրառելիության: Ձեռքբերման և վերավաճառքի գների տարբերությունը դիտվում է որպես տոկոսային եկամուտ և ճանաչվում է շահույթում կամ վնասում ռեպո պայմանագրի գործողության ժամկետի ընթացքում՝ կիրառելով արդյունավետ տոկոսադրույքի մեթոդը:

Եթե հետադարձ վաճառք նախատեսող պայմանագրի շրջանակներում գնված ակտիվները վաճառվում են երրորդ անձանց, ապա արժեթղթերը վերադարձնելու պարտավորությունն արտացոլվում է որպես առևտրական նպատակներով պահվող պարտավորություն և չափվում է իրական արժեքով:

#### VII. Ածանցյալ ֆինանսական գործիքներ

Ածանցյալ ֆինանսական գործիքները ներառում են տոկոսադրույքների, արտարժույթների, թանկարժեք մետաղների շուկաների և բորսաների սվոպները, ֆորվարդները, ֆյուչերսները և օպցիոնները, ինչպես նաև նշված գործիքների ցանկացած համակցությունը: Ածանցյալ գործիքների սկզբնական ճանաչումը տեղի է ունենում իրական արժեքով այն ամսաթվի դրությամբ, երբ կնքվում է ածանցյալ գործիքի պայմանագիրը: Հետագայում ածանցյալ գործիքները վերաչափվում են իրական արժեքով: Բոլոր ածանցյալ գործիքները հաշվառվում են որպես ակտիվներ՝ դրական իրական արժեքի դեպքում և որպես պարտավորություններ՝ բացասական իրական արժեքի դեպքում: Ածանցյալ գործիքների իրական արժեքի փոփոխությունները ճանաչվում են անմիջապես շահույթում կամ վնասում:

#### VIII. Հաշվանցում

Ֆինանսական ակտիվները և պարտավորությունները հաշվանցվում են՝ ֆինանսական վիճակի մասին հաշվետվությունում արտացոլվելով զուտ գումարով, եթե գոյություն ունի ճանաչված գումարները հաշվանցելու իրավաբանորեն ամրագրված իրավունք, ինչպես նաև հաշվարկը զուտ հիմունքով իրականացնելու կամ միաժամանակ ակտիվն իրացնելու և պարտավորությունը մարելու մտադրություն:

### 4. Ֆինանսական ռիսկերի կառավարում

#### ա) Ներածություն և նկարագրություն

Ֆոնդը ենթարկված է հետևյալ ռիսկերին՝

- Պարտքային ռիսկ
- Իրացվելիության ռիսկ
- Շուկայական ռիսկ
- Գործառնական ռիսկ

Այս ծանոթագրությունը ներկայացնում է տեղեկություն վերոնշյալ ռիսկերին Ֆոնդի ենթարկվածության վերաբերյալ, Ֆոնդի նպատակները, քաղաքականությունը, ռիսկի չափման և կառավարման գործընթացները:

#### Ռիսկի կառավարման կառուցվածք

Ֆոնդը պահպանում է ածանցյալ և ոչ ածանցյալ ֆինանսական գործիքների տարբեր դիրքեր համաձայն իր ներդրումային կառավարման ռազմավարության: Ֆոնդի ներդրումային պորտֆելն ամբողջությամբ բաղկացած է պարտքային պետական արժեթղթերից: Ֆոնդի ներդրումային պորտֆելի սահմանափակումները կարգավորված են նաև ՀՀ ԿԲ խորհրդի 06 դեկտեմբեր 2011թ. թիվ 337-Ն որոշմամբ:

#### բ) Պարտքային ռիսկ

Պարտքային ռիսկն այն ռիսկն է, երբ ֆինանսական գործիքի կողմը չի կատարի պարտականությունը՝ Ֆոնդի համար հանգեցնելով ֆինանսական կորստի: Այն ավելանում է հիմնականում պահվող պարտքային

արժեթղթերից, ինչպես նաև ածանցյալ ֆինանսական ակտիվներից, դրամական միջոցներ և դրանց համարժեքներից և հակադարձ ռեպո համաձայնագրերի ներքո դեբիտորական պարտքերից: Ռիսկի կառավարման գծով հաշվետվությունների պատրաստման նպատակների համար Ֆոնդը հաշվի է առնում և համախմբում պարտքային ռիսկին ենթարկվածության բոլոր բաղադրիչները (ինչպիսիք են անհատ փոխառուի անվճարունակության ռիսկը, երկրի և ոլորտի ռիսկը):

**Պարտքային ռիսկի կառավարում**

Պարտքային ռիսկը վերահսկվում է ներդրումային կառավարչի կողմից բավարար պարբերականությամբ բոլոր հնարավոր ռիսկերը կառավարելու համար: Ֆոնդը գործընկերներին ընտրելիս իրականացնում է մոնիթորինգ, ինչպես նաև ապահովում է ակտիվների դիվերսիֆիկացում ըստ տարբեր գործընկերների:

**Պարտքային ռիսկին ենթարկվածությունը ներկայացված է ստորև աղյուսակում**

Հազար ՀՀ դրամ, 31 մարտի 2016	Դրամական միջոցներ	Պարտքային արժեթղթեր	Ընդամենը
<b>Ակտիվներ</b>			
Դրամական միջոցներ ՀՀ բանկերում	1,946	-	1,946
ՀՀ պետական արժեթղթեր	-	389,842	389,842
ՀՀ ոչ պետական արժեթղթեր	-	204,878	204,878
	<b>1,946</b>	<b>594,720</b>	<b>596,666</b>

**Ածանցյալ ֆինանսական գործիքներ**

Հաշվետու ամսաթվի դրությամբ Ֆոնդն ածանցյալ ֆինանսական գործիքներ չի ունեցել:

**Դրամական միջոցներ և դրանց համարժեքներ**

Ֆոնդի դրամական միջոցները և դրանց համարժեքները գտնվում են միայն «ՎՏԲ-Հայաստան բանկ» ՓԲԸ-ում, որը վարկանշված է Fitch Ratings վարկանշող գործակալության BB վարկանիշով՝ կանխատեսումը կայուն:

Ներդրումային կառավարիչը մոնիթորինգի է ենթարկում «ՎՏԲ-Հայաստան բանկ» ՓԲԸ-ի ֆինանսական վիճակը եռամսյակային կտրվածքով և ըստ անհրաժեշտության:

**Դեբիտորական պարտքեր հակադարձ հետզնման համաձայնագրերի գծով**

Եթե Ֆոնդը դառնում է հակադարձ հետզնման համաձայնագրերի կողմ, ապա դա կարող է պարտքային կորստի հանգեցնել այն իրադարձությունից, երբ գործարքի մյուս կողմն անկարող լինի կատարել իր պայմանագրային պարտականությունները Ֆոնդի նկատմամբ և գրավի արժեքը նվազում է արագորեն և բավարար չէ ծածկելու վճարվող գումարը: Ֆոնդը փորձում է կառավարել իր պարտքային ռիսկը՝ կիրառելով վերահսկվող ներդրումային ռազմավարություն, ինչպես նաև կիրառելով ողջամիտ դատողություն բանկային գործընկերներ ընտրելիս: Ֆոնդը կարող է կատարել ֆինանսավորման ապահով գործարքներ, մասնավորապես՝ վաճառքի և հետզնման պայմանագրեր (ռեպո պայմանագրեր), կամ գնման և վերավաճառքի պայմանագրեր (հակադարձ հետզնման պայմանագրեր)՝ Ֆոնդի ակտիվների մինչև 10% չափով: Կառավարիչը պատասխանատու է պարտքային ռիսկի վերահսկողության համար և պատասխանատու է ֆոնդի պարտքային ռիսկի կառավարման համար, այդ թվում՝ պարտքային

քաղաքականության ձևակերպում, գրավի պահանջների բավարարում, վարկերի գնահատում, պարտքային ռիսկի ուսումնասիրություն և գնահատում, պայմանագրային կողմերի գծով, ինչպես նաև ըստ թողարկողի, վարկային ռեյտինգի միջակայքերի, շուկայի իրացվելիության և երկրի գծով կուտակումների սահմանափակում: Ղեկավարությունը կանոնավորապես գնահատում է ակտիվների որակը՝ ռիսկը նվազագույնի հասցնելու համար:

### **Ժամկետանց և արժեզրկված ակտիվներ**

Հաշվետու ամսաթվի դրությամբ ոչ մի ֆինանսական ակտիվ ժամկետանց կամ արժեզրկված չի եղել:

#### **գ) Իրացվելիության ռիսկ**

Իրացվելիության ռիսկն այն ռիսկն է, որ Ֆոնդը դժվարություններ կունենա այն ֆինանսական պարտավորությունների հետ կապված իր պարտականությունները կատարելիս, որոնք մարվելու են դրամական միջոց կամ այլ ֆինանսական ակտիվ տրամադրելով:

#### **Իրացվելիության ռիսկի կառավարում**

Իրացվելիությունը կառավարելու տեսանկյունից Ֆոնդի քաղաքականությունը և ներդրումային կառավարչի մոտեցումն է՝ ապահովել, որքան հնարավոր է, որ այն մշտապես ունենա բավարար իրացվելի միջոցներ՝ իր պարտավորությունները ժամանակին մարելու համար՝ ինչպես սովորական, այնպես էլ լարված պայմաններում, ներառյալ փայերի գնահատված մարումները, այնպես, որ Ֆոնդն անհարկի վնասներ չկրի և նրա հեղինակությունը ռիսկի չենթարկվի:

Իր կանոնների համաձայն՝ Ֆոնդը պարտավոր է մարել փայերը՝ համապատասխան հայտ ստանալուց հետո եռօրյա ժամկետում: Ուստի ֆոնդն իրացվելիությունը կառավարելիս հաշվի է առնում փայերի մարման արդեն իսկ ստացված և սպասվող հայտերը, եթե այդպիսիք լինեն:

Ֆոնդը չի պահում կանխիկ միջոցներ՝ բոլոր այդ պահանջները բավարարելու համար, քանի որ փորձը ցույց է տալիս, որ մարման տեմպերը կարող են կանխատեսվել ողջամիտ մակարդակով, և ղեկավարությունը կարծում է, որ Ֆոնդի ակտիվները բարձր իրացվելի են և կարող են վաճառվել ըստ պահանջի՝ ապահովելու համար ֆինանսական պարտավորությունների գծով կանխիկի արտահոսքերը:

Ֆոնդն իր իրացվելիության ռիսկը կառավարելու համար ներդրում է կատարում այնպիսի արժեթղթերում, որոնք հնարավոր կլինի իրացնել 30 օրից պակաս ժամկետում:

#### **դ) Շուկայական ռիսկ**

Շուկայական ռիսկը այն ռիսկն է, որ շուկայական գների, ինչպիսիք են տոկոսադրույքները, փայերի գները, արտարժույթի փոխարժեքները, փոփոխությունները, ազդեցություն կունենա Ֆոնդի եկամտի կամ պահվող ֆինանսական գործիքների իրական արժեքի վրա: Շուկայական ռիսկի կառավարման նպատակն է կառավարել ու վերահսկել շուկայական ռիսկին ենթարկվածությունն այնպես, որ այն մնա ընդունելի սահմաններում՝ միաժամանակ օպտիմալացնելով եկամտաբերությունը:

#### **Շուկայական ռիսկի կառավարում**

Ֆոնդի շուկայական ռիսկի կառավարման ռազմավարությունը պայմանավորված է Ֆոնդի ներդրումային նպատակով: Ֆոնդի շուկայական ռիսկը կառավարվում է Ֆոնդի կառավարչի կողմից օրական հիմունքով՝ սահմանված քաղաքականությանը և ընթացակարգերին համապատասխան:

**Տոկոսադրույքի ռիսկ**

Ֆոնդի ենթարկվածությունը տոկոսադրույքի ռիսկին պայմանավորված է ֆինանսական գործիքի իրական արժեքի կամ ապագա դրամական հոսքերի տատանումներով՝ շուկայական տոկոսադրույքների փոփոխությունների հետևանքով: Տոկոսադրույքի ռիսկի կառավարման համար կառավարիչը ներդրումներն իրականացնում է այնպիսի ժամկետային կառուցվածքով, որը առավելագույնս համապատասխանի ֆոնդի փայերի դասերի կառուցվածքին: Այնուամենայնիվ, տոկոսադրույքի ռիսկի ազդեցությունը կարող է բարձր լինել, եթե շուկայում համատարած տեղի ունենա տոկոսադրույքի մակարդակների տատանումներ:

**Արժույթային ռիսկ**

Հաշվետու ամսաթվի դրությամբ Ֆոնդի արժույթային ռիսկին ենթարկվածությունը պայմանավորված է դոլարային կորպորատիվ պարտատոմսերով, որի կառավարումը իրականացվում է Ֆոնդի կանոններին համաձայն: Իսկ կոնկրետ ակտիվների գծով, հաշվի առնելով արտարժույթային ակտիվների չափը, առանձին զսպման մեխանիզմներ չեն կիրառվել:

**Արժույթային ռիսկին ենթարկվածությունը ներկայացված է ստորև աղյուսակում**

<i>Հազար ՀՀ դրամ, 31 մարտի 2016</i>	<b>Դրամական միջոցներ</b>	<b>Պարտքային արժեթղթեր</b>	<b>Ընդամենը</b>
<b>Ակտիվներ</b>			
Դրամական միջոցներ ՀՀ բանկերում	-	-	-
ՀՀ պետական արժեթղթեր	-	-	-
ՀՀ ոչ պետական արժեթղթեր	-	67,457	<b>67,457</b>
	-	<b>67,457</b>	<b>67,457</b>

**ե) Գործառնական ռիսկ**

Ֆոնդի կառավարչի նպատակն է կառավարել գործառնական ռիսկը, որպեսզի հավասարակշռի ֆինանսական կորուստները, ինչպես նաև իր հեղինակությանը հասցվող վնասը:

Գործառնական ռիսկի շուրջ զարգացման և վերահսկողության իրականացման հիմնական պատասխանատվությունը կրում է Ֆոնդի կառավարիչը, որի կառավարման համար նա առաջնորդվում է ընդհանուր ստանդարտներով, ինչը ներառում է վերահսկողություն բիզնես գործընթացների նկատմամբ:

**զ) Կապիտալի ռիսկի կառավարում**

Ֆոնդի կապիտալը ներկայացված է փայատերերին վերագրելի զուտ ակտիվներով: Ֆոնդը փորձում է ներդրումների բաժանորդագրումները ներդնել այնպես, որ ապահովի Ֆոնդի ներդրումային նպատակների իրականացումը՝ միևնույն ժամանակ պահպանելով բավարար իրացվելիությունը փայատերերի մարումներն ապահովելու համար: Ղեկավարությունը կարող է՝ ա) մարել և թողարկել նոր փայեր՝ Ֆոնդի հիմնադիր փաստաթղթերի համաձայն, բ) Ֆոնդի կողմից փայատերերին բաշխման ենթակա գումարները որոշելիս առաջնորդվել սեփական հայեցողությամբ:

**է) Ոչ ֆինանսական ռիսկերի կառավարում**

**Տեխնոլոգիական և գործառնական ռիսկեր**

Կառավարիչը և, համապատասխանաբար՝ Ֆոնդը, ենթակա են տեխնոլոգիական և գործառնական ռիսկերի, որն իրենից ներկայացնում է Կառավարչի, նրա մատակարարների կամ նրան ծառայություն մատուցող կողմերի վերահսկողության ընթացակարգերում կամ տեխնոլոգիական համակարգերում առկա թերությունների արդյունքում հնարավոր կորուստները, որոնք սահմանափակում են տեղեկատվության հավաքագրման, մշակման և հաղորդակցման հնարավորությունը, իր սեփական, ինչպես նաև փայտերերի գործարքները արդյունավետ և անխափան իրականացնելու հնարավորությունը: Այս ռիսկը նաև ներառում է մարդկային սխալի, աշխատակիցների ոչ պատշաճ վարքագծի, համակարգչային վիրուսների, տեղեկատվական հարձակումների, ահաբեկչության, ինչպես նաև բնական աղետների ռիսկը:

Կառավարչի գործառնությունները մեծապես պայմանավորված են իր տեխնոլոգիական համակարգերի ամբողջական և անխափան գործունեությունից և հաջողության գրավականը մասնավորապես նաև կայանում է տեխնոլոգիաների ժամանակին բարելավումներով՝ հաշվի առնելով հաճախորդի հետզհետե փոփոխվող կարիքները: Ֆոնդի համակարգերի խափանումների, սխալների կամ անսարքության դեպքում, գործառնությունները կարող են զգալի բացական ազդեցություն կրել: Գործունեության նման խափանումներից խուսափելու համար, Ֆոնդը վարում է կրկնօրինակման և տվյալների վերականգնման գործառնություններ, այդ թվում՝ տվյալների կրկնօրինակման և հաղորդակցության ապահովման միջոցներ, ինչպես նաև իրականացնում է աղետների դեպքում տվյալների վերականգնման ստուգումներ:

Գործառնական ռիսկը մեղմացնող վերահսկողությունների մշակման և ներդրման համար առաջնահերթ պատասխանատվություն է կրում յուրաքանչյուր ստորաբաժանման ավագ ղեկավար անձնակազմը: Կառավարիչն ունի տվյալների հետ աշխատանքի ստանդարտները կարգավորող քաղաքականություններ և ընթացակարգեր, որոնք անդրադառնում են թե ներքին տեղեկատվությանը, աշխատակիցների անձնական տվյալներին, և թե ոչ հանրային սեփականություն հանդիսացող՝ հաճախորդի տվյալներին: Տվյալների անվտանգության գծով անցկացվում են կանոնավոր վերապատրաստումներ:

Անկախ ռիսկերի կառավարման աշխատանքներից, ոչ միշտ է հնարավոր կանխել կամ կանխարգելել տեխնոլոգիական կամ գործառնական գործընթացների խափանումները, ինչպես նաև կեղծիքի կամ այլ խեղաթյուրումների հավանականությունը, հետևաբար՝ Կառավարչի կողմից ձեռնարկված կանխարգելիչ միջոցառումները ոչ բոլոր դեպքերում կարող են արդյունավետ լինել: Կառավարիչը և Ֆոնդը կարող են ենթարկվել դատական հայցերի, կրել վնասներ և կանոնակարգային պատժամիջոցների ենթարկվել, և կարող են ստիպված լինել բավականաչափ միջոցներ ներդնել խոցելի կետերը և այլ ռիսկերի արդյունքները մեղմելու և վերականգնելու ուղղությամբ:

### **Կանոնակարգային ռիսկեր**

Որպես արժեթղթերի, ակտիվների կառավարման շուկայի մասնակից, Կառավարիչը ենթակա է կառավարական, վերահսկիչ և ինքնակառավարվող տարբեր մարմինների կողմից կանոնակարգման: Այս կանոնակարգող մարմինները սովորաբար ըստ իրենց հայեցողության իրավասու են ավելի մեծ սահմանափակումներ սահմանել կանոնակարգվող միավորի գործունեության համար՝ նպատակ ունենալով պաշտպանել ներդրողների կամ հանրության շահերը: Հանդես գալով որպես ներդրումային խորհրդատու՝ Կառավարիչը նաև ենթակա է կանոնակարգային պահանջների, որոնք մասնավորապես առնչվում են հաճախորդների հանդեպ տարաբնույթ ֆիդուցիար պատավորություններին, կատարողական վճարներին, համապատասխանության ծրագրերի իրականացմանը, միջնորդային պայմանագրերին, շահերի բախմանը, գովազդման, խորհրդատուի և խորհրդատվական հաճախորդների միջև գործակալության խաչաձև և



հիմնական գործարքների սահմանափակումներին, գրանցումների վարման և հաշվետվությունների ներկայացման, բացահայատման ինչպես նաև կեղծիքից պաշտանվածության ընդհանուր դրույթներին:

Ֆինանսական կազմակերպությունները, որպես կանոն, պետք է ներդնեն փողերի լվացման կանխարգելման քաղաքականություններ, իրականացնեն աշխատակիցների հատուկ վերապատրաստման դասընթացներ, նշանակեն փողերի լվացման կանխարգելման համար պատասխանատու աշխատակցի: Ավելին, տվյալների գաղտնիության և պաշտպանության ոլորտում կանոնակարգային գործառույթները ողջ աշխարհում շարունակաբար զարգանում են, և պայմանավորված են հիմնականում տեխնոլոգիաների զարգացմամբ, և որպես արդյունք՝ տեղեկատվության արագ տարածման հնարավորություններով: Ֆոնդի/Կառավարչի հանդեպ կիրառելիության շրջանակներում պետք է ապահովվի համապատասխանություն այդ կանոնակարգային պահանջների հետ:

Ղեկավարությունը զգալի ներդրում է կատարել իր գործունեությանն առնչվող տարաբնույթ իրավաբանական և կանոնակարգային պահանջների հետ համապատասխանություն ապահովելու ուղղությամբ: Չնայած օրենսդրական և կանոնակարգային պահանջների հետ համապատասխանություն ապահովելու ուղղությամբ կատարված քայլերին, առկա են մի շարք ռիսկեր, մասնավորապես այն մասով, որ կանոնակարգային դաշտը կարող է լինել ոչ հստակ կամ կանոնակարգող մարմնի կողմից կարող են վերանայվել դրանց կիրառման ցուցումները: Կանոնակարգող մարմնի կողմից Կառավարչի կամ դրա հետ փոխկապակցված անձանց, աշխատակիցների, պաշտոնատար անձանց հանդեպ ցանկացած հարկադրանք կարող է հանգեցնել տույժերի, տուգանքների, դադարեցման կամ չեղյալ հայտարարման հրամանների, հարկադիր գործողությունների, կասեցման կամ լիազորությունների դադարեցման, կամ այլ կարգապահական միջոցների գործադրմանը, ընդհուպ մինչև գործունեության սահմանափակումը: Նշվածներից ցանկացածի պարագայում Կառավարչի և Ֆոնդի վարկանիշը կարող է վնաս կրել և դա կարող է բացասաբար ազդել գործունեության արդյունքների կամ ֆինանսական վիճակի վրա: Պահանջների հետ համապատասխանության բացակայության արդյունքում կարող են կիրառվել զգալի դրամական և ոչ դրամական պատժամիջոցներ:

**5. Տոկոսային եկամուտ**

<i>Հազար ՀՀ դրամ</i>	<b>01.01.16-31.03.16</b>	<b>01.01.15-31.03.15</b>
Տոկոսային եկամուտ իրական արժեքով՝ շահույթի կամ վնասի միջոցով չափվող ֆինանսական գործիքներից		
Պարտքային պետական արժեթղթեր	11,851	9,155
Պարտքային ոչ պետական արժեթղթեր	8,272	-
Տոկոսային եկամուտներ հետգնման պայմանագրերից	-	3,242
Այլ	20	5
	<b>20,143</b>	<b>12,403</b>

**6. Զուտ օգուտ (վնաս) իրական արժեքով՝ շահույթի կամ վնասի միջոցով չափվող ֆինանսական գործիքներից**

<i>Հազար ՀՀ դրամ</i>	<b>01.01.16-31.03.16</b>	<b>01.01.15-31.03.15</b>
Զուտ օգուտ (վնաս) իրական արժեքով՝ շահույթի կամ վնասի միջոցով չափվող ֆինանսական ակտիվներից		
Պարտքային պետական արժեթղթեր	11,628	(16,623)
Պարտքային ոչ պետական արժեթղթեր	916	-
	<b>12,544</b>	<b>(16,623)</b>

**7. Իրական արժեքով՝ շահույթի կամ վնասի միջոցով չափվող ֆինանսական ակտիվներ**

<i>Հազար ՀՀ դրամ</i>	<b>31.03.2016</b>	<b>31.12.2015</b>
<b>Իրական արժեքով՝ շահույթի կամ վնասի միջոցով չափվող ֆինանսական ակտիվներ</b>		
Իրական արժեքով՝ շահույթի կամ վնասի միջոցով չափվող՝ ֆինանսական ակտիվներ.		
Պարտքային պետական արժեթղթեր	389,842	502,951
Պարտքային ոչ պետական արժեթղթեր	204,878	421,308
	<b>594,720</b>	<b>924,259</b>

**8. Հետգնման պայմանագրերի գծով վճարվելիք գումարներ**

Այս հոդվածում ներկայացված գումարն իրենից ներկայացնում է հակադարձ հետգնման ռեպո պայմանագրով ՀՀ ֆինանսական հաստատություններից ստացված գումարները և դրանց գծով հաշվարկված տոկոսները: Միջին տոկոսադրույքը հաշվետու ժամանակաշրջանի վերջի դրությամբ 11,29 տոկոս է, իսկ մարման ժամկետը մինչև մեկ ամիս:

**9. Փայտերերին վերագրելի զուտ ակտիվներ**

Փայերի թվաքանակում առկա շարժերի վերլուծությունները և փայերի տերերին վերագրվող զուտ ակտիվները եռամսյակի ընթացքում ներկայացված են ստորև՝

<b>Փայերի քանակ</b>	<b>2016</b>			
	<b>Դաս A</b>	<b>Դաս B</b>	<b>Դաս C</b>	<b>Ընդամենը</b>
Մնացորդն առ 01 հունվարի	<b>226,714</b>	<b>5,297</b>	<b>95,929</b>	<b>327,940</b>
Եռամսյակի ընթացքում փայերի թողարկում	-	475	773	<b>1,248</b>
Եռամսյակի ընթացքում փայերի ետգնում	(750)	(-)	(3,586)	<b>(4,336)</b>
<b>Մնացորդն առ 31 մարտի</b>	<b>225,964</b>	<b>5,772</b>	<b>93,116</b>	<b>324,852</b>

  

<b>Հազար ՀՀ դրամ</b>	<b>2016</b>			
	<b>Դաս A</b>	<b>Դաս B</b>	<b>Դաս C</b>	<b>Ընդամենը</b>
Մնացորդն առ 01 հունվարի	<b>344,424</b>	<b>7,922</b>	<b>140,669</b>	<b>493,015</b>
Փայատերերին վերագրելի զուտ ակտիվների աճ (նվազում)	18,028	427	6,755	<b>25,210</b>
Եռամսյակի ընթացքում փայերի թողարկում	-	721	1,182	<b>1,903</b>
Եռամսյակի ընթացքում փայերի ետգնում	(1,196)	(-)	(5,439)	<b>(6,635)</b>
<b>Մնացորդն առ 31 մարտի</b>	<b>361,256</b>	<b>9,070</b>	<b>143,167</b>	<b>513,493</b>
<b>Չուտ ակտիվների արժեքը յուրաքանչյուր փայի գծով (ՀՀ դրամ)</b>	<b>1,599</b>	<b>1,571</b>	<b>1,537</b>	<b>-</b>

Ֆոնդի փայերը առաջարկվում են մեկ փայի դիմաց դրա զուտ ակտիվների արժեքով յուրաքանչյուր գործառնական օր՝ համաձայն հաջորդ օրվա 03:00 դրությամբ հասանելի տեղեկատվության («զուտ ակտիվների արժեքի որոշման ժամ»): Գործառնական օր՝ նշանակում է ՀՀ արժեթղթերի շուկայի աշխատանքային օր: Գործառնական ցանկացած օր Ֆոնդի կողմից սահմանված՝ զուտ ակտիվների արժեքի որոշման ժամից առաջ ստացված՝ փայերի ձեռքբերման հայտերը կբավարարվեն օրվա փակման դրությամբ հաշվարկված զուտ ակտիվների արժեքով: Փայերը կմարվեն զուտ ակտիվների այն արժեքով, որը կգործի տվյալ գործառնական օրվա զուտ ակտիվների արժեքի որոշման ժամի դրությամբ: Ֆոնդի կողմից ստացված ներդրումային եկամուտը կուտակվում և վերստին ներդրվում է Ֆոնդում և հաշվի է առնվում փայի արժեքը որոշելիս:

Փայատերերին վերագրելի զուտ ակտիվներն իրենցից ներկայացնում են պարտավորություններ՝ ֆինանսական վիճակի մասին հաշվետվությունում և հաշվառվում են մարման արժեքով, որը վճարման ենթակա կլինեն ֆինանսական վիճակի մասին հաշվետվության ամսաթվի դրությամբ, եթե փայատերերը որոշեին օգտվել փայերի մարման իրավունքից: Փայատերերն իրավունք ունեն ցանկացած աշխատանքային օր պահանջելու այն փայերի մարման իրավունք և Ֆոնդը պարտավոր է բավարարել նման հայտը երեք օրվա ընթացքում:

Ֆոնդի կառավարման արդյունքների, եկամտաբերության և այլ մանրամասն տեղեկությունների վերաբերյալ կարող եք ծանոթանալ Ֆոնդը կառավարող ընկերության՝ «Կապիտալ Ասեթ Մենեջմենթ» փակ բաժնետիրական ընկերության, ինտերնետային կայք էջում <http://capitalfunds.am/>:

Ալիկ Առաքելյան

Ֆոնդի կառավարչի

Գլխավոր գործադիր տնօրեն

Կարեն Խաչատրյան

«Էյ-Էն Աուդիտ» ՓԲԸ

լիազոր ներկայացուցիչ

25 ապրիլի 2016